



Jens NapätôK', Naleraq
Inatsisartunut ilaasortaq

**Innuttaasunik sullissineq pillugu § 37 naapertorlugu apeqqummut nr. 231-mut
akissut**

18-12-2025

Pisortat sullissinerat pillugu allakkatigut 17. december 2025 nassiunneqarsimasukkut
Naalakkersuisunut marlussunnik apeqquteqarputit.

Apeqqutit uannit akisassanngorlugit innersuunneqarput.

Postboks 1015
3900 Nuuk
Oq. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

**1. Innuttaasorpassuit kommuninut pisortanillu immikkoortorta qarfinniit
saaffiginnissutiminnik erseqqittumik akineqarneq ajornerat
akuersaarneqarsinnaasoq Naalakkersuisut isumaqarpat – innuttaasullu inatsisitigut
isumannaatsuunissaat nukittorsarniarlugu Naalakkersuisut sunik suliniuteqarpat,
tassuunakkut innuttaasut suliaqartarnerat pillugu inatsimmi
piumasaqataasoq malillugu piffissap akuerineqarsinnaasup iluani
akissutissarsisarniassammata?**

Akissut:

Kommunini Namminersorlutik Oqartussanilu oqartussat innuttaasut pitsaanerpaamik
sullissinnaajumallugit ullut tamaasa annertuunik suliaqartarput.

Taamaattoq pisortanit akuerineqarsinnaanngitsumik sivisoorujussuarmik
akissuteqarniarnerup takussutissaqarnera ilumoorpoq. Inatsisartut
Ombudsmandiata suliani pillugit ukiut tamaasa saqqummiuttagaa ukiumut
nalunaarusiat pingaartinneqarluni Naalakkersuisunit malinnaaffigineqartarpoq.
Ukiumoortumik nalunaarusiat Ombudsmandip sulianik aalajangersimasunik
suliaqarnera tunngavigalugu suliarineqartarput, aamma ukiumut 2024-mut
nalunaarusiami kingullermi ombudsmandip ingammik isumaginninnermut
tunngatillugu inatsisinik tunngavilinnik suliaqartarnerit sivisuallaartarnerisa
ajornartorsiutaanera tikkuarpaa. Ombudsmandi ilaatigut allappoq: "Suliat
puiguinnarneqartarput, sivitsuuttumik suliarineqarniarsarisarput
amerlasoorujussuartigullu naammassineqarneq ajorlutik. Sulianut suliarisartakkannut
tunngatillugu kukkunerpassuit suliallu sivisuallaamik suliarineqartarnerinut suliaqartarnerisa
suliarisinnaanissaanut sulisussanik amigaateqarneq kommuninit
utoqqatsissutigineqakulasarpoq". Ombudsmandip nalunaarusiaa

akiniaasaarneqartarnernut suliallu sivisuallaamik suliarineqartarneranik arlalinnik assersuutitaqarpoq.

Kommunit aalajangersimasumik sulianik ingerlatsineranni ilitersuunnissaannut Naalakkersuisut pisinnaatitaaffeqanngillat. Taamaattorli kommunit suliaqarlutik nammineq aqutsinerat Naalakkersuisunit nakkutigineqarpoq. Taamatut nakkutiginninneq suliarineqartarpoq soorlu assersuutigalugu nalunaarusianik tigusaqarnikkut imaluunniit naammagittaalliutit suliarinerisigut.

Suliap sivisuumik suliarineqarnerani imaluunniit kukkunermik suliap ingerlanneqarnerani innuttaasut misigisaqartut, innuttaasoq qisuariaqqullugu inanneqartarpoq. Aallaqqaasiutigalugu oqartussaasoq akissuteqaqqullugu innuttaasup tuavisaassavaa, oqaluinnarnikuunngitsaq, kisianni aamma allakkatigut, taava allatigut uppersaasat qulakkeerneqassaaq. Oqartussaasoq uppersaasinnaasumik qisuarianngippat, suliap sivisuallaamik suliarineqarnera pillugu innuttaasoq naammagittaalliorfimmuut attuumassuteqartumut qanoq suliap ingerlaneqarneranut sivisuallaamik qanoq naammagittaalliortoqassanersoq siunnersoqqulluni maalaaruteqartarfimmuut attuumassuteqartumut saaffiginnissinnaavoq. Kommunini suliamik sivisuallaartumik suliaqartoqarsimatillugu innuttaasoq oqartussat pisortaanut kommuniniluunniit ataatsimiititalianut attuumassuteqartunut saaffiginnissinnaavoq pissutsillu erseqqissaatigalugit.

Taamaattumik naammagittaalliuteqartarfinni pilersinneqartuni naammagittaalliummik suliaqarneq aamma kommuninik nakkutiginninneq iluaqutigalugit Naalakkersuisut innuttaasoq ikiorsinnaavaat. Tassunga aalajangersimasumik assersuutitut, Isumaginninnermut, Suliffeqarnermut, Nunamullu Namminermut Naalakkersuisoqarfimmi Nunamut Namminermut immikkoortortaqarfik Isumaginninnermi Naammagittaalliuteqartarfimmik suleqateqarpoq. Suleqatigiinnerup kinguneraa, Isumaginninnermi Naammagittaalliuteqartarfimmit allagaatinik piumasaqarnernut kommune qisuarianngippat, Isumaginninnermi Naammagittaalliuteqartarfimmut kommunip allagaatinik nassiussinissaata tungaanut Nunamut Namminermut immikkoortortaqarfiup suliaq tigusinnaavaa.

Kisianni naatsorsuutigineqarpoq, kommunini suliaasat akuerineqarsinnaanngitsumik sivisuallaamik suliarineqarneri pillugit innuttaasup eqeersimaartumik erseqqissaateqarnissaa. Kisianni innuttaasoq ilatsiinnarpat, Namminersorlutik Oqartussani oqartussat ajornartorsiut arajutsisimassavaat taamaattumillu ikiuussinnaassanatik.

2. Innuttaasorpasuit sullinneqarnerlullutik misigisimapput, innuttaasorpasui
pisortanit akissutissarsinngitsoortarlutillu kingusippallaartumik akineqartarput,
tamannalu toqqissisimanaranilu uippakajaarnarpoq aamma pisinnaatitaaffinnik
annaasaqaataalluni. Kommunit pisortanilu immikkoortortaqarfiit akinissaminnut
piffissarititaasup qaangerneqannginnissaannut Naalakkersuisut erseqqissumik

qulakkeerinninnissamut qanoq iliussappat – aamma qanoq innuttaasunut
akissutissarsineq ajortunut maalaaruteqarsinnaanerminnut periarfissamik
ilumoortumik imaluunniit suliap suliareqqinneqarnissanut
kinguarsarneqaqqinngitsumik Naalakkersuisut qulakkeerinninniarpap?

Akissut:

Apeqqummut 1-imut akissummi akissut takuneqarsinnaavoq.

Inussiarnersumik inuulluaqqusillunga



Jens-Frederik Nielsen
Naalakkersuisut Siulittaasuat